



Reynsla af verkfallinu

Þegar þessi grein er skrifuð hefur verkfall opinberra starfsmanna staðið í tæpan hálfan mánuð. Margt bendir til að senn fari að hilla undir lok þessa verkfalls. Enn ber þó það mikið á milli að ekki er hægt að fara að meta þann ávinning sem verkfallið hefur fært verkfallsmönnum. Víst er þó að af verkfallinu geta menn dregið ýmsan lærdóm, og þá ekki síst sá mikli fjöldi er staðið hefur í verkfallsvörslunni eða mætt á fundi í félögum. Ríkisvaldið hefur í þessu verkfalli svo margt afhjúpað stéttareðli sitt.

Kjaradeilunefnd.

Stéttabaráttan hefur löngum bent á, að eitt sterkasta vopn ríkisvaldsins í yfirstandandi kjaradeilu eru störf Kjaradeilunefndar. Nefndin hefur beitt þeirri aðferð að fara sí og æ langt út fyrir sinn verkahring, sem skilgreindur er í lögum. Það hefur hins vegar neytt BSRB til að virða sumar ákvarðanir nefndarinnar að vettugi. Ríkisvaldið hefur notfært sér það til að snúa almenningssálinu gegn verkfallsfólki. Þeir fulltrúar ríkisvaldsins er gengu endanlega frá verkfallsréttarlögum hafa fullkomlega gert sér grein fyrir mætti þessa vopns. Í nefndina hafa þeir skipað 6 fulltrúa úr sínum röðum en aðeins 3 frá BSRB. Auk þess er ákvæði í lögum þess eðlis að ef fulltrúar BSRB gengju út úr nefndinni skyldi ríkið skipa aðra þrjá í þeirra stað og teldust þeir vera fulltrúar verkfallsmanna.

Ákvæði sem þessi hefur forystan reynt að nýta sér til að réttlæta störf sinna manna og veru þeirra innan Kjaradeilu-

nefndar. Eigi að sjálfur eru störf þessarra fulltrúa og tengsl þeirra við Verkfallsnefnd BSRB afar léleg og hafa hreinlega verið til trafala í verkfallinu. Sem dæmi um víta- verðar starfsaðferðir okkar fulltrúa er þáttur þeirra er opn un sjúkrahúsa var afgreidd í nefndinni. Niðurstöður nefndarinnar lágu ekki fyrir en í þann mund er verkfall var að hefjast. Strax var þó ljóst að tillögur hjúkrunarfræðinga hafði nefndin aldrei rætt og öll önnur afgreiðsla var eftir því. Okkar menn gerðu hins vegar ekki minnstu tilraun til að vara stjórn og samninganefnd við. Af þessu verðum við að draga þann lærdóm, að ekki nægir að skipa einhverja þrjá einstaklinga í þessa valdamiklu nefnd. Í hana ber að skipa einarða fulltrúa til dæmis frá þeim hóp um sem valdsvið Kjaradeilunefndar nær til. Þessum fulltrúum ber síðan skylda til að gefa út tilkynningar í fjölmiðla ef þeir lenda í minnihluta í ákveðnum málum og þeir álíta meirihlutann vera að fara út

fyrir verkahring sinn. Á þann hátt veit samninganefndin stöðugt hvers er að vænta frá Kjaradeilunefnd og mun auðveldara verður fyrir opinbera starfsmenn að fá almenning til stuðnings við verkfallsmenn ef öllum er ljóst að um grundvallarágreiningu er að ræða í nefndinni. Núverandi fulltrúar okkar hafa hins vegar ekki sýnt neina viðleitni í þá átt að starfa sem samhent lið verkfallsmanna og engin von er á breytingu í þá átt. Þess ber því að krefjast að fundargerðar þakur nefndarinnar verði látnar liggja frammi eftir verkfall svo opinberir starfsmenn fái séð hvernig nefndin hafi starfað og hvaða upplýsingar hún leggi til grundvallar dómum sínum.

Endurskoðunarrétturinn.

Undansláttarmenn úr sjálfri samninganefndinni hafa undanfarið mætt á fundi hjá verkfallsfólki og varað menn sterkalega við að standa á kröfunni um endurskoðunarréttinn. Helstu rök þessarra manna hafa verið að ekki megi reita þingmennina til reiði því þá kynnu þeir að þrengja enn verkfallsréttinn. Til dæmis með því að stóráuka völd Kjaradeilunefndar. Með fjálglegum orðum hafa þeir lýst sig helstu verndara verkfallsréttarins en alla baráttusinna sem ábyrgðarlausu einstaklinga er leiki

sér að eldinum. Það er vissulega rétt að verkfallsrétturinn verður ekki skertur frekar af alþingismönnum ef honum verður aldrei beitt eins og forystan í Reykjavík og aðrir undansláttarmenn og stéttsvikarar vilja.

Þessir forystumenn gleyma því vísitandi í sínum málflutningi að núverandi verkfallsréttarlög eru ekkert sem BSRB fékk baráttulaust. Alþingismenn völdu þann kost að láta bandalaginu eftir þennan verkfallsrétt sem er mjög takmarkaður er ljóst var að ella myndi það taka sér þennan rétt. Reyni þingliðið að skerða enn okkar rétt og þannig ganga á bak orða ríkisstjórnarinnar munum við taka okkur þann verkfallsrétt sem aðrir þjóð-

félagsþegnar hafa. - Opinberir starfsmenn eru ekki í varnarstöðu í verkfallsréttarmálinu hvað svo sem stöðunni í kjarasamningunum áhrærir. - Öllum skal verða ljóst að við erum orðin þreytt á að vera halakleprar á ASÍ. Við viljum sjálf berjast fyrir okkar kjörum og móta kröfurnar í sérhvert sinn eftir þörfum okkar og styrk en ekki láta Dagsbrúnarmenn heyja baráttuna fyrir okkur. Við viljum hins vegar berjast við hlið þessa fólks.

Sem fyrr segir eru allar hórur á að mjög sé að dragast saman með samninganefndum BSRB og ríkisvaldsins. Það atriði sem einna mestur ágreiningur var um var endurskoðunarrétturinn. Til þessa hefur samninganefnd okkar staðið fast á þeirri kröfu. Borgarapressan hefur reynt að læða því inn hjá almenningi að þessi krafa sé eingöngu eitthvað keppikefli einstakra forystumanna BSRB og sé í raun í þversögn við sjálf verkfallsréttarlögin. Slíkar full-



Jakop Möller reynir leið hótana við verkfallsverði BSRB.

Heimildirnar verði baráttutæki

Ein er sú grundvallarregla sem starfa verður eftir ef sigur á að nást í hvers kyns baráttu. Þ.e. lærðu að þekkja óvin þinn. Þessa reglu verða Ísl. herstöðvaandstæðingar að temja sér, hvort sem baráttu þeirra er í sósíalískum eða þjóðernissinnuðum tilgangi. Ekki dugir að ana blint áfram sem friðelskandi sósíalisti og/eða einarður þjóðernissinni. Herstöðvaandstæðingar hafa það sameiginlegt að vilja berjast gegn heimsvaldastefnu, kúgun og hvers kyns drottun sem heimsvaldastefnunni fylgir. En baráttan verður að fara fram af forsjá engu síður en af kappi.

Þekking á aðstæðum bæði hérlendis og erlendis er frumskilyrði fyrir sigursælli baráttu. Af því leiðir að við verðum að þekkja Ísl. auðvaldið og Ísl. verkafélög, alþýðu annarra landa og auðvald, eðli heimsvaldastefnu og hernaðarbandalaga. Sérstaklega verðum við að þekkja Nato og Varsjárbandalagið. Þau tvö eru þau stærstu og jafnframt langhættulegustu. Tilurð þeirra og tilgang verðum við að þekkja og þá þekkingu verðum við að útbreiða. Hver er t.d. tilgangur Nato hérlend-

is? Er það að verja Ísl. auðvald, hið vestræna auðvald eða hvort tveggja? Við vitum að auðhringirheyja stöðuga baráttu sín á milli um vinnuáfl, hráefni og markað. Þeir eru því sundraðir, þó svo þeir hafi sameiginlega hagsmuna að gæta á margan hátt. Sérstaklega eru þeir á einu máli um að brjóta niður baráttu alþýðunnar í öllum löndum.

Innvortis móthverfur auðvaldsins er mikilvægt að þekkja og færa sér í nyt. Allt af mikið hefur þess gætt innan Samtaka herstöðvaandstæðinga að starfið og baráttan sé ekki tekin alvarlega. Menn vanrækja að auka skilning sinn á raunverulegu eðli baráttunnar. Af því hefur leitt að meðlimir samtakanna geta jafnvel ekki útskýrt einfaldar og sjálfsagðar spurningar fjöldans. Hver einstakur meðlimur verður að uppfærða sjálfan sig með umræðum og námi. Það er undirstaða skipulegs áróðurs og starfs meðal fjöldans. Og án starfs fer ekki fram nein baráttu. Gera verður upp við frjálshyggju í starfi og námi. Öruggra heimilda verður að afla svo hægt sé að byggja

starfið á bjargi. Með slíkum heimildum, sem ætlunin er að afla, ætti forysta samtakanna að geta starfað markvisst og hverfahópar starfað sjálfstæðir. Á landsráðstefnunni lagði einn starfshópurinn fram grundvöll að heimildasöfnun, sem samtökin koma til með að starfa eftir á næsta ári. Mikilvægt er að allir leggi nú hönd á plóginn og afli heimilda og gagna, eftir því sem þeir megna. Slík söfnun getur farið fram jafnt í starfshópum, sem með einstaklingsframtaki. Á herstöðvaandstæðingum hvílir siðferðileg skylda til að kynna sér þennan grundvöll og leggja síðan sitt af mörkum, svo samtökin geti komið sér upp myndarlegu heimildasafni. Hér birtist svo grundvöllurinn:

Heimildasöfnun, rammsóknarstörf og ritsmiðar.

Nauðsynlegt er að unnið sé stöðugt að söfnun heimilda, til stuðnings baráttunni fyrir markmiðum samtakanna og þær séu tengdar starfinu hverju sinni. Án goðs heimildasafns verður baráttan slitrött og fálkennd. Án nægilegra upplýsinga næst ekki skilningur á



Straumsvíkurgangan.

eðli baráttunnar. Án traustar og nýrra heimilda verður áróðursstarfið veikt og vinnubrögðin viðvæninsleg.

Heimildasöfnun er því á meðal mikilvægustu verkefna samtakanna, sem ekki má falla niður vegna annarra anna.

1) Hvaða heimildum þarf að að safna?

1. Samningar Ísl. stjórnvalda við erlenda aðila um varnarmál

2. Utanríkismálastefna stjórnmalaflokka, eins og hún hefur komið fram í stefnuskrám flokksþinga, í þingsályktunartillögum og í samþykktum flokksstjórna og flokksfélaga.

Könnunin tekur til flokka sem sæti eiga á Alþingi, til Sam-einingarflokks alþýðu, Sósíalistaflokksins og til Þjóðvarnarflokks Íslands. Æskilegt er að könnunin innan hvers flokks sé

gerð af fyrirv. eða núverandi stuðningsmanni hans.

3. Utanríkismálastarf annarra félagsþinga. Af einstökum félögum má sérstaklega nefna Þjóðvarnarfélagið, Samtökin "gegn her í landi", Samtök herstöðvaandstæðinga og Samtök hernámsandstæðinga.

Einnig verkalýðsfélög og önnur samtök launþega, félög háskólastudenta og önnur skólafélög. Til þessa starfs skal velja núverandi eða fyrirverandi félagsmenn einstakra félaga ef þess er kostur.

4.a. Fjárhagslegur ávinningur fyrirtækja og einstakra aðila af dvöl herliðs í landinu.

Hlutur hvers aðila sé kannaður eftir því sem kostur er á. Störf Íslendinga á vegum hersins. Fjöldi starfsmanna. Ráðningaraðferðir. Gjald-
Frh. á síðu 2

LEIÐARI

Hryðjuverk

Morðin á nokkrum leiðtogum Baader-Meinhof hryðjuverkahópsins er sátu í fangelsum vestur-þýskra stjórnvalda, og morð þess sama hóps á formanni vestur-þýska vinnuveitendasambandsins; Hans Martin Schleyer, hafa vakið athygli um heim allan. Borgarapressan keppist við að útmála þessa borgarskæruliða sem örgustu villidýr, óalandi og óferjandi, jafnframt því sem hún réttlætir morðin á þremmenningunum í fangelsunum. Nú skal gengið milli bóls og höfuðs á öllum meðlimum Baader-Meinhof hópsins.

En hvers konar þjóðfélag er það, sem elur af sér slíka pólitíska glapastarfssemi? Hafa stjórnvöld í V-Þýskalandi, yfirvöld laga og réttar, ekki sitthvað á samviskunni? Baader-Meinhof hópurinn skýtur fyrst upp kollinum eftir hinar svonefndu stúdentaóeirðir í lok 7-unda áratugsins. Þær hófust með friðsamlegum mótmælaaðgerðum stúdenta, en lögreglan lét hins vegar einskis ófreistað til að mæta þeim aðgerðum með ofbeldi. Má m.a. minna á að reynt var að ráða leiðtoga stúdenta, Rude Dúdske af dögum. Vegna þessara átaka sprettur svo óhjákvæmilega upp hópur manna, er vill svaraofbeldi með ofbeldi. Þannig er Baader-Meinhof hópurinn í stuttu máli til kominn.

Þeirri spurningu verður hins vegar að svara, hvort baráttuaðferðir þessara borgarskæruliða þjóni í raun og sannleika málstað þýskrar alþýðu, hvort þær séu í tengslum við þær aðstæður, semríkjandi eru í þessu auðvaldsríki? Kommúnistar hafa ævinlega litið svo á að hin kúgaða alþýða öðlist ekki frelsi án vopnaðrar

byltingar og geti ekki tryggt völd sín án þess að skapa sinn eigin her. Sagan hefur sýnt og samað, að án vopnaðrar baráttu er verkalýðsbyltingin dæmd til ósigurs. Við þurfum ekki annað en að líta til Sovétríkjanna, Kína og Indó-Kína í þessu sambandi. Og harmleikurinn í Chile er áþreifanleg sönnun þess að vopnlaus alþýða er algjörlega óvarin gagnvart miskunnarlausu hernaðarofbeldi einræðis og kúgunar. En þar með er ekki sagt að hin vopnaða barátt sé rétta aðferðin á hvaða tíma sem er og undir sérhverjum kringumstæðum. Vopnuð barátta getur ekki orðið árangursrík nema í fyrsta lagi að hún þjóni markmiðunum og aðstæðurnar krefjast þess og í öðru lagi að hin vinnandi alþýða sé reiðubúin að taka sér vopn í hönd í baráttunni fyrir þjóðfrelsi og sósíalisma.

Þegar þetta er haft í huga er rétt að snúa sér að því að svara, hvort aðgerðir Baader-Meinhof hópsins séu málstað alþýðunnar í Þýskalandi til framdráttar. Þó skortur sé á lýðrættindum á mörgum sviðum í Þýskalandi vestanverðu og vinstrisinnar séu ofsóttir er ekki þar með sagt, að tímabil vopnaðrar baráttu sé gengið þar í garð. Því fer fjarri. Verkalýður Þýskalands og reyndar víðar í Evrópu er alls ekki reiðu búinn undir vopnuð átök og kringum stæðurnar leyfa ekki slíkt. Aðgerðir borgarskæruliðanna eru á engan hátt málstað verkalýðsins til framdráttar; þessi hópur er í reynd dæmdur til að einangrast frá fjöldanum og nýtur alls ekki samúðar hans. Aðgerðirnar eru fremur til að sverta málstað þeirra sem berjast fyrir réttri pólitískri línu meðal fjöldans. Þær eru í ætt við stefnu stjórnleysingja, sem er smáborgaraleg stefna og dæmd til að mistakast.

Hitt er svo annað mál, að morðin á föngunum eru engan veginn réttlætanagerleg og bera þess aðeins vitni, að arftakarþess ofbeldis og þeirrar kúgunar sem nasisminn gat af sér hafa á ný sest við stjórnvölinn í V-Þýskalandi. Óhjákvæmileg framþróun mannkyns-sögunnar mun fella sinn dóm yfir slíka menn.

Frh. af baksíðu.

Baráttan fyrir frelsun Eritreu

En deilur um grundvöll baráttunnar urðu þess valdandi að nýjar hreyfingar voru stofnaðar og 1973 kom til borgarastyrjaldar milli frelsishreyfinganna innbyrðis. Sú styrjöld þjónaði einungis hagsmunum Eþíópíustjórnar. Þessar aðstæður leiddu til umræðna meðal íbúanna, sem voru andvígir borgarastyrjöldinni og tókst

þá að þvinga leiðtoga hreyfinganna til að lýsa yfir vopnahléi og ganga til víðræðna. Síðan hafa hreyfingarnar stöðugt haft meira samstarf sín á milli.

Baráttan hefur verið samhæfð þannig að hreyfingarnar styðja nú hver aðra. Þær lúta þó enn hver sinni stjórn og hafa hver sína yfirstjórn á frelsuðu svæðunum. Nú þegar ELF og ELF-PLF hafa sameinast, virðist allt stefna í sameiginlega yfirstjórn.

sp: Hvernig gengur uppbyggingin á frelsuðu svæðunum? sv: Það er mikilvægt að koma eðlilegu lífi á eins fljótt og hægt er. Því er brýnasta verkefnið að hefja þegar framleiðslu matvæla og annarra nauðsynja.

Frh. af forsíðu.

Heimildirnar

eyristekjur. Sölu nefnd varnarliðseigna.

b. Félagsleg tengsl hersins og ísl. aðila og félagasamtaka.

c. Herinn og öryggisþjónustan (löggesla, brunavarnir, sjúkra flug).

d. Spilling á Keflavíkurflugvelli, s.s. eiturlyfjasala og smygl.

e. Reglur um ferðir hermanna utan herstöðvasvæðisins og framkvæmd þeirra.

5. Eðli NATO og heimsvaldastefnunnar. Hersetan í alþjóðlegu ljósi.

a. Aðalheimildir (samningar, samþykktir, yfirlýsingar o.fl.)

b. Tengsl hernaðarbandalaga við efnahagslega drottun.

c. Samskipti hernaðarbandalaga sín á milli.

Frh. af forsíðu

Reynsla af verkfallinu

yrðingar eru að sjálfsögðu hin mesta firra. ASI hefur slíkt ákvæði í sínum samningi og er víst ekki vanþörf á. Það er því full ástæða fyrir BSRB að hafa slíkt ákvæði. Því fyrst

"vinstri" stjórnin gat kippt vísi-tölunni úr sambandi 1974, en það rýrði mjög kjör launþega, þá getur núverandi eða komandi stjórn vissulega gert hið sama. Ákefð þeirra við að hindra að slíkt ákvæði komi inn í samninginn er gleggsta dæmið um það.

Það hefur borið á nokkurri uppgjöf í samninganefnd okkar og menn greinir á um hvaða stefnu beri að taka. Þannig eru til fulltrúar sem vilja algjöra uppgjöf. Þeir eru þó en fleiri sem vilja réttilega hvika í engu. Svo eru enn aðrir sem vilja leita sátta og eru horfur á að þeir verði ofan á. Lður benda því til að endurskoðunarréttur með verkfallsrétti verði ekki settur á oddinn hjá samninganefndinni.

Sú hugmynd sem helst hefur verið mótuð í staðinn er þess eðlis að ef röskun verði á vísi-tölutryggingu launa megi krefjast endurskoðunar á kaupliðum samningsins. Síðan verði málinu vísað til sáttasemjara og sáttanefndar. Stjórn og samninganefnd BSRB vill að tímatakmörk verði sett á það hvenær sáttanefnd verði að taka málið fyrir og einnig að ef samningar

Við höfum því ræktað eins mikið land og mögulegt er og höfum hafið framleiðslu á lyfjum, verkfærum og skotfærum.

Við höfum þegar leyst vanda-málið með öflun matvæla á frelsuðu svæðunum. Hermenn okkar taka fullan þátt í ræktuninni. Það hefur valdið erfiðleikum að fjandmennirnir varpa sprengjum á bæina á daginn.

Til að vernda íbúana tæmum við þess vegna alla stærri bæi á daginn og fer framleiðslan og uppbyggingin fram á nóttunni. Smátt og smátt hafa Eþíópíumenn þó gefist upp á að varpa sprengjum á bæi okkar.

Til að þróa baráttuna áfram er mikilvægt að stunda nám.

Þess vegna nema hermennirnir verk frumkvöðla marxismans. Við höfum þegar þýtt mörg þeirra þannig að íbúarnir geti lesið þau. Þar sem margir eru ólæsir höfum við lagt kapp á að stofna skóla á frelsuðu svæðunum. Það er jú nauðsyn til að geta numið kenningar byltingarinnar. Einnig hafa verið lagðir vegir og byggð sjúkrahús.

sp: Hvernig farið þið með stríðsfangana?

sv: Í byrjun tókum við enga lifandi fanga. Nú er afl okkar meira og einnig skilningur. Við lítum ekki á alþýðu Eþíópíu sem fjandmann okkar.

d. Hugmyndafræðileg starfssemi (umhverfisverndarmál, vísindastyrkir NATO, áróðursstarfssemi NATO)

6. Afstaða annarra ríkja og hreyfinga til heimsvaldastefnunnar og hernaðarbandalaga. a. Norður-Atlantshafsríki, önnur Evrópuríki og þróunarríkin.

b. Þjóðfrelsishreyfingar. Samtök sambærileg við SHA t.d. í Bretlandi (CND).

II. Hvernig á að afla heimilda?

1. Farið verði yfir ísl. blöð jafnóðum og þau koma út og klippt út efni sem varðar samtökin.

2. Farið verði yfir eldri ísl. blöð og skráðar tilvitnanir.

3. Samtökin verði áskrifandi að tímaritum, kaupi fræðirit og handbækur.

Þess vegna skólum við fangana og látum þá taka þátt í uppbyggingunni.

sp: Hvernig er afstaðan til risaveldanna?

sv: Engin af hreyfingunum styðst við risaveldin. Sú aðstoð sem við fáum kemur frá Arabalöndunum. sp: Hafa risaveldin reynt að skerast í leikinn?

sv: Þar til 1975 letu Bandaríkin Eþíópíuher í té mikið af vopnum og USA hafði stóra herstöð í Eritreu. Þá börðumst við með bandarískum vopnum, nú berjumst við með sovískum. Það eru vopn sem við tókum frá óvininum.

Höfuðóvinurinn var ameríska-ísraelska heimsvaldastefnan.

Nú er það sú sovéska.

Sovétríkin láta Eþíópíu í té vopn og ráðgjafa og eþíópíski herinn er þjálfður af ísraelsmönnum. Ísraelskir hermenn taka þátt í stríðinu í sovískum flugvélum.

sp: Hvað getum við gert?

sv: Það er mikilvægt að þið fylgist með þróun mála og útbreiðð þekkinguna um réttláta baráttu okkar. Það verður mikilvægt fyrir okkur að fá sem víðtækastan stuðning er við leitum eftir pólitískri viðurkenningu.

(Þýtt úr Arbejderavisen frá 15-21 september)

4. Þingskjölum er varði mál-efni samtakanna verði haldið til haga.

5. Leitað verði til félaga og einstaklinga um öflun boka, tímarita og tímaritsgreina.

III. Notagildi.

Heimildasafn samtakanna verði baráttutæki herstöðvaandstæðinga.

1. Grundvöllur fréttamiðlunar um málefni NATO og heimsvaldastefnunnar.

2. Grundvöllur við gerð alyktana, yfirlýsinga og orðsendinga.

3. Grundvöllur vísindalegra rannsókna á einstökum atburðum, t.d. a) Keflavíkursamningnum 1946, b) Aðild að NATO 1949, c) Komu hersins 1951, d) Svikum "vinstri" stjórnarinnar 1971-74.

4. Grundvöllur útgáfu markvissra smárita og almennra upplýsingarita um herstöðva-málið.

Leiðrétting

VIÐ GREININA "AF FÖR GEIRS" SEM BIRTIST Í 36. TBL.

Í 2. dæmi í lið I er meinleg villa, sem er á ábyrgð greinarhöfundar. 2. dæmi átti að vera á þessa leið: Magnús nefnir tölur um laun þriggja starfshópa í Sovétríkjunum; lækna (upb. 80 rublur), verkafólks (upb. 200 r) hjá iðnverkaðólki og fréttamann (upb. 400 r) Höfundur þessarar greinar finnst það rétt að verka fólk og þá sérstaklega iðnverkalýðurinn, sem skapar með störfum sínum gildisauka og ber þannig hvert þjóðfélaguppi hafi há laun. Hins vegar kom það fram í sjónvarpsþættinum (sem Magnús gleymir að nefna af einhverjum ástæðum) að verðlag í almennum verslunum (sjá d. 4) í Sovét er það hátt að erfitt er fyrir hinn almenna verkamann að láta endana ná saman. Að sjálfsögðu er meinlegt misræmi á milli launa lækna og verkafólka því að læknisstarfið er vissulega mikilvægt (en hér má bæta því við að ef læknisstarfið er eins mikil köllun og sumir vilja vera láta ættu lækna heldur ekki að hafa það kaup, sem þeir hafa t.d. á Vesturlöndum). En að blaðamenn og aðrir... o.s.frv. (Hér lýkur leiðréttingunni og greinin heldur orðrétt áfram). Greinarhöfundur biðst velvirðingar á þessum mistökum.

Rvk, 23.10.77.

HAFIÐ SAMBAND VIÐ KOMMUNISTAFLOKK ÍSLANDS M-L

● Miðstjórn og ritstjórn

Stéttabaráttunnar, sími: 27810 og pósthólf 1357, 121 R. einnig í Rauðu Stjórnumni bókaþúð. Lindargötu 15.

● Akureyri: Jón Atli Ópíð mánud. - föstud. 15-18, 30

● Akureyri: Jón Atli Játvarðsson, Hafnarstræti 23.

● Hafnarfjörður: Fjöla Rögnvaldsd. Reykjavíkurgangi 24.

● Hornafjörður: Skúli Waldorff, Silfurbraut 2.

● Ísafjörður: Kristinn Karlsson, Fjarðarstræti 7.

● Neskaupstaður: Messíana Tómasdóttir, Þiljuvöllum 38.

● Snæfellsnes: Sigfús

Almarsson, Hellisbraut 10

● Hellissandi, og Gísli Hjaltason, pósthólf 63,

● Stykkishólmi.

● Suðurnes: Einar Jónsson

Sólvallargötu 40c, Keflavík.

● Danmörk: Magnús Þorgrímsson, Börglum

Kollegiet v. 444 Börglum-

vej 2, 8240 Risskov.

● Svíþjóð: Kristján L. Guðlaugsson, Kåmnarsvägen

3A:218. 222 46 Lund.

Grænland- dönsk nýlenda

Dufþakur

Loksins hefur Grænlands-vínafélag verið stofnað. Stofnfundur Grænlandsvínafélagsins Inútt var haldinn í Norræna hús ínu 13. okt. s.l. að viðstöddum nokkur hundruð mams. Áhugi á málefnum Grænlandinga virðist almennt meiri hér en hjá hinum Norðurlandþjóðunum og kann það vafalaust að eiga sínar orsakir í því, að við vorum sjálfir um langan aldur ofurseldir danskri nýlendukúgun.

Í lögum hins nýstofnaða félags segir eitthvað á þá leið, að tilgangur þess sé að efla menningarleg og félagsleg samskipti Íslendinga og Grænlandinga. Síðan Danir slógu eign sinni á þetta grannríki okkar í vestri hefur átt sér stað gífurleg röskun á félagslegum samskiptum

Grænlandinga og menningarlegum verðmætum þeirra. Fólk hefur bókstaflega verið rífið upp með rótum frá heimabyggð sinni og neytt til að flytja búferlum - allt eftir hentugleikum (les: gróðasjónarmiðum) nýlendukúgaranna. Í stað fornra og sérstæðrar menningar Grænlandinga skal koma hin inni haldslitla vesturheimska menning. Því er ekki vanþörf á, að við Íslendingar reynum að styrkja þessa granna okkar til að ryðja þessum vandamálum þeirra úr vegi og leitumst við að kynna hina upprunalegu grænlandsku menningu hér á landi á sem flestum sviðum.

Grænlandsvínafélagið ætti raunar að skipta sér af fleiri málum en þessum og það ætti

eiginlega að vera höfuðverkefni þess, að styðja alhliða sjálfstæðisbaráttu grænlandsku þjóðarinnar, baráttu þeirra til að losna undan oki herrarþjóðarinnar. Félagið ætti að lýsa yfir skilyrðislausum stuðningi við þessa baráttu Grænlandinga og veita þeim stuðning á þeim grundvelli, sem þeir leggja sjálfir til. Varla þarf að óttast að svo verði ekki, því í umræðunum um tilgang félagsins kom þessi skoðun greinilega í ljós. Sjálfum tilverurætti Grænlands er beinlínis stefnt í voða, því það eru ekki einungis nýlendu-herrarnir dönsku, sem miskunnarlaust arðræna og kúga grænlandsku alþýðu - nú á að veita hæstþjóðanda meðal ýmissa erlendra auðhringa aðgang að hinum

um mikilvægu auðlindum Grænlands.

Á síðustu árum hefur það gerst, að grænlandsku þjóðin er smám saman að vakna til meðvitundar um rétt sinn og farin að skipuleggja baráttuna gegn nýlendukúguninni.

Við, sem teljumst vera vinstra megin í pólitíkinni höfum hingað til lagt alltof litla áherslu á stuðning við þjóðfrelsisbaráttu Grænlandinga og ættu vandamál þeirra þó að standa okkur nær en annarra ríkja þriðja heimsins. Kannski er það vegna þess, að baráttu hina ýmsu kúguðu þjóða Asíu, Afríku og Rómönsku Ameríku er komin á hærra stig en hjá Grænlandingum. Á meðan við höfum verið uppteknir af vandamálum Indó-kínverja, Palestínumanna, Chilebúa o.fl. höfum við næstum gleymt því, að hér orskammt undan vesturströnd landsins býr þjóð, sem hefur orðið að þola hina miskunnarlausustu nýlendukúgun og gífurlegt harðræði.

En nú hefur sem sagt verið stofnaður félagskapur til að kynna þau vandamál, er herja á þessa granna okkar, félagskapur sem er reiðubúinn til að veita grænlandsku þjóðinni fullan stuðning í baráttu þeirra fyrir sjálfstæði og frelsi. Við óskum aðstandendum þessa félags til hamingju með árangurinn og sá árangur mun vafalaust ekki láta á sér standa. Áhuginn er tvímælaust fyrir hendi.

Dufþakur.



Kudtliqssat, eitt af mörgum þorpum á Grænlandi sem danska stjórnin hefur lagt niður.

RAUDUR VETT VANGUR frá lesendum

RAUDUR VETT VANGUR frá lesendum

Mataræði og heilsufar

Ég vil aðeins með fáum orðum þakka greinina "Innanmeini Íslendinga" sem birtist í 33. tbl. í september s.l. Hún var mjög tímabær. Það er hverju orði sannara að mataræði hefur áhrif á heilsufar margra svo um munar: Ofnæmi, excem, höfuðverkur, deyfð, þunglyndi, máttleysi, sjóndepra, skapofsi, magapína, kjarkleysi, angist, orsakast oft af röngu mataræði.

Fæðuval, það er heil vísindagrein, sem allir ættu að hugleiða. Ekki hef ég þekkingu sem skyldi, en eg er vakandi fyrir þessu vandamáli. Hérlandis eru læknar nokkuð seinir að fylgja nýjungum. Má þar ef til vill kenna um manneklu, en það er samt sem áður ekki nógu góð þjónusta við sjúkta fólk. Má til dæmis nefna migren - el'gamlan sjúkdóm (mörg þúsund ára), en allt bendir nú til þess, að mataræði geti stórlega dregið úr þessum hryllilegu höfuðkvöllum sem veikinni fylgja. Það er ekki meiningin að fara nánar út í þau mál hér, en í

undirbúningi er, stofnum félags migrenesjúklinga.

Margir sjúkdómar sem herja á okkur Íslendinga orsakast af fleiru, en óhollu mataræði: veðurfarið, kuldinn, sólarleysið og rakinn hefur þar sín áhrif. Ákaflega margir sem komnir eru rétt um þrítugt þjást af vöðvabólgu, gigt ýmiss konar og af streitusjúkdómum. Íslendingar eru margir of feitir, ofdrykkja er hér einnig geigvænleg. Er þetta ekki allt vegna þess að hér er rangt stjórnskipulag - ekkert gert til að fyrirbyggja þessa hvítleiðu og oft ónauðsynlegu krankleika - Sjónvarpið sýndi þann sóma að gera þætti sem komu inn á mataræði, en það er ekki nóg. Sumir eru (þetta er aldrei of oft endurtekið) að eyðileggja heilsuna með því að vinna á kvöldin og um helgar við að byggja, jafnframt því að vinna venjulegan vinnudag, þ.e. frá morgni til kvölds, og mörg eru dæmi þess, að fólk á miðjum aldri er búð að eyðileggja heilsuna með óhóflegri vinnu til að lifa mamsæmandi lífi.

Málið er orðið þannig í dag, að það erum við sjálf, sem verðum að leysa vandann, ásamt réttshugsandi læknum og matvælafræðingum, og stjórnmálamönnum, því það þarf nauðsynlega að fyrirbyggja, að börnin okkar borði allt þetta drasi, alla þessa kók, prins póló, pylsu með öllu, kremkex og sælgæti í tonnatali, franskbrauð með smjöri. Fyrir utan óhollustuna fyrir líkamann, þá má hugleiða tamskemmdir sem eru miklar, jafnvel hjá aðeins þriggja ára börnum. Það er að fara út í öfgar að tala um reykingar í sambandi við unglina en...

Ég er ekki með unglina á mínu heimili, svo ég veit ekki með vissu, hvernig málum er háttað í skólunum. Er unglinum kennt gildi þess að neyta rétttrar fæðu og þýðingu þess fyrir framtíðina að fá nauðsynleg vítamín? Það er auðvitað sorgleg staðreynd að húsmæður/húsbændur úr verka mannastétt á Íslandi verða að velja það allra ódýrasta úr búðunum og hlýtur þetta að

draga dilk á eftir sér. Að hafa kjúkling, hvítkál, agúrku, tómata, harðfisk, slátur, svo eitthvað sé nefnt - þá væri mánaðarkaupið búið langt fyrir tímann.

Gerum ekki lítið úr þessum málum, það er sannarlega ekkert ofstæki þegar sagt er að við erum það sem við étum. Hættum að éta óhollan mat og fylkjum liði og krefjumst þess að holl fæða sé á viðráðanlegu verði og ofnæmissjúklingar þurfi ekki að þjást meira en orðið er og fái alla þá hjálp sem þjóðfélaginu ber að veita, þeim og forða ungum og öldnum frá því, að nota magann sem ruslafötu.

Að lokum þetta: Hérna á Íslandi er leitað dyrum og dyngjum að einhverjum sem kann nálarstunguaðferðina kínversku og sem margir EFNAÐIR hafa getað nálgast úti í heimi. Hvernig væri að einhverjar frómar manneskjur yrðu styrktar til náms, og/eða fengnir hingað kínverskir læknar (eða þeir sem þetta kunna fullkomlega) til að frelsa sárþjáðar manneskjur af mörgum þessum "öfþökunar" sjúkdómum og öðrum kvillum.

Húsmóðir í Breiðholti.

SHA og Varsjárbandalagið

Það hefur ríkt nokkur óvissa um afstöðu Samtaka herstöðvaandstaðinga til annarra hernaðarbandalaga en NATO. Þó er er kveðið skýrt á um það í lögstefnuskrá SHA að: "Samtök herstöðvaandstaðinga líta á störf sín og stefnu sem þátt í víðtækri baráttu gegn heimsvaldasinnuðum hernaðarbandalögum, drottunarstefnu og síau auknum vígbúnaði hervelda." Þetta hefur mörgum ekki fundist nógu nákvæmlega að orði komist og þeir eru jafnvel til sem líta þannig á að þarna geti ekki verið átt við Varsjárbandalagið, því það sé ekki "heimsvaldasinnað hernaðar-

bandalag". Þeir eru þó fleiri sem telja að þarna sé einmitt átt við NATO og Varsjárbandalagið og í samræmi við þá skoðun hafa SHA einmitt starfað, eins og fjölmargar aðgerðir sanna, Keflavíkurgöngur og mótmælastöður fyrir utan sovéska sendiráðið ef nefna á dæm dæmi. Það er rauði þráðurinn í öllum aðgerðum SHA að mótmæla og berjast gegn allri heimsvaldastefnu, hvar sem hún kemur fram og samtökin hafa margt áréttað þessa stefnu sína, en vegna augljósra ástæðna hafa samtökin ekki enn séð ástæðu til að nefna önnur hernaðarbandalög í stefnu-

skrá en NATO. Það ætti öllum að vera þetta ljóst. Ísland er jú í NATO og hér eru bandarískar herstöðvar, sem við þurfum að losna við til að tryggja fullan og óskoraðan sjálfsákvörðunarrett landsins. Þetta meginverkefni hefur þó ekki komið í veg fyrir að SHA hafi sýnt hug sinn til annarra hernaðarbandalaga, t.d. með aðgerðunum 21, ágúst fyrir utan sovéska sendiráðið og við fleiri tækifæri, með yfirlýsingu í blöðum o. sfrv. Nú síðast var á Landsráðstefnu SHA samþykkt ályktun sem kveður skýrt á um afstöðu samtakanna í þessu máli, en hún hljóðar svo: "Samtök herstöðvaandstaðinga vilja árétta þá skoðun sína að samtökin berjast gegn allri heimsvalda-

stefnu og drottunarstefnu hvaðan sem hún kemur. Markmið samtakanna er að Ísland gangi úr NATO og bandarískri herinn verði rekinn héðan burt. Ennfremur vilja SHA fordæma þá drottunarstefnu, sem Varsjárbandalagið og Sovétríkin sýna öðrum ríkjum, eins og t.d. fram hefur komið gagnvarvart tékknesku þjóðinni. SHA hafa barist og munu berjast gegn drottunarstefnu frá hvaða hvaða þjóð sem hún stafar, þar sem hún ógnar fullveldi og sjálfstæði þjóða og er ógnun við heimsfriðinn." Það er tæplega hægt að kveða skýrar á um hver er afstaða SHA í þessu máli en fram kemur í þessari ályktun frá Landsfundinum. Þær vangaveltur sem menn hafa verið um það hvað á



STUÐNINGUR VIÐ BSRB

Á fundi BHM kennara í Vél-skóla Íslands 22. 10 var ákveðið að hver kennari myndi gefa sem næmi einum daglaunum í verkfallssjóð BSRB. Var þetta gert í framhaldi af stuðningsbréfi sem sömu aðilar sendu til þeirra kennara sem eru í verkfalli. Þá hafði borist svarbréf, þar sem látin var í ljós ósk um sameiningu kennara í eitt félag.

Þetta er bara eitt dæmi um stuðning sem BSRB er nú veittur frá hinum ýmsu hópum. T.d. gáfu kennarar við Tækniskóla Íslands líka daglaun sín og hjúkrunarfræðingar gáfu eina milljón í verkfallssjóð. Sýnir þetta vel hina auknu samstöðu sem einkennt hefur baráttu BSRB.

VERK FALLSBROT RÍKISINS.

Það hefur verið athyglisvert í þessu verkfalli, hvaða brögðum ríkisvaldið hefur beitt til að reyna að brjóta það á bak aftur. Það hafa verið notaðar aðferðir sem atvinnurekendur hafa fyrir löngu gefist upp á í deilum sínum við verkafólk. Í þessari deilu hefur ríkisvaldið beitt hótunum um brottrekst úr ofl. Þetta er greinilega allt í góðu samstarfi við atvinnurekendur, og nú síðast var skip með súrúli dregið inn í Straumsvíkurböfn með dráttar bátinum Magna. Til að koma þessu verkfallsbroti í gegn gaf bæjarfógetinn í Hafnarfirði út "leyfi" til þess að draga skipið inn, sem stjórn álversins notfærði sér óspart. Reynt

var að fremja verkfallsbrotið án þess að boð kæmust til BSRB og var mönnum meinaður aðgangur að síma í verksmiðjunni til að engin boð bærust. En allt kom fyrir ekki, verkfallsverðir fengu ekki aðeins upplýsingar um þetta, heldur tókst þeim líka að hrekja skipið frá og stöðva verkfallsbrotið.

AF ÞJÓMIALUM

VERKALÝÐSBLAÐIÐ OG SAMTÖK HERSTÖÐVAANST.

Í Verkalýðsblaðinu 12. tbl. 3. árg. sem gefið er út af Einingarsamtökum kommúnista marx-lenínistum, gefur að líta nokkuð einkennilega frétt frá Landsráðstefnu SHA. Meðal annars kemur þar fram að "Gagnrýni á aðgerðir SHA 21. ágúst s.l. fyrir utan Sovéska sendiráðið var samþykkt (tilvitnun lýkur). Þeir sem sátu ráðstefnuna kannast sjálf sagt ekki við neina slíka samþykkt, þvert á móti. Það eina sem samþykkt var í sambandi við 21. ágúst var ályktun (sem birt er annars staðar í blaðinu) sem kveður skýrar á um baráttu SHA gegn allri heimsvaldas fnu. Þessi ályktun er ekki "gagnrýni" á aðgerðir SHA 21. ágúst heldur ótvíræður stuðningur við þær aðgerðir. Eins og svo oft áður fer Verkalýðsblaðið hér með staðlausa stafi, sem þeir ættu að skammast sín til að leiðrétta.

Átt er við í stefnuskrártilvitnuninni hér á undan, ættum að vera úr sögunni þar sem æðsta eining SHA: Landsfundurinn, hefur kveðið upp sinn úrskurð sem er samdóma þeim sem vilja berjast gegn allri heimsvaldastefnu hvort sem hún kemur úr vestri eða austri.



Öreigar og kúgaðar þjóðir heims sameinist!
Stéttabaráttan
Útg: Kommúnistaflokkur Íslands m-l.
37. tbl. 25/10 1977



STÉTTABARÁTTAN
-kemur út vikulega-
Sími: 27810.
Gíró: 27810-6.

Ábyrgðarm: Sigurður
Ingi Andrésson.


Sigurður Jón Ólafsson
Möðruelli 15
R.

Baráttan fyrir frelsun Eritreu

-Í 16 ár hafa íbúar Eritreu háð vopnaða frelsisbaráttu. Þessi barátta hefur verið háð gegn báðum risaveldunum, fyrst gegn Bandaríkjunum, sem styðja Eþíópíustjórn með vopnum og tæknimönnum. Fregningur herma að um 5-9000 erlendir hermenn séu nú þegar í landinu, einkum kúbanskir.

En þrátt fyrir stuðning sósíalheimsvaldasinnanna við Eþíópíustjórn hefur nú mestur hluti Eritreu verið frelsaður. Í Eritrei eru þrjár frelsishreyfingar, ELF, ELF-PLF og EPLF. Tvær hinar fyrirnefndu sameinuðust í júlí s.l. og hofu samtímis viðræður við EPLF.

Hér á eftir fer viðtal sem danska blaðið Arbejderavisen hafði við fulltrúa frá EPLF fyrir skömmu:



Hérud í Eþíópíu sem frelsishreyfingar gera tikall til. Sjá nánari skýringar efst.

unum og 1952 var ákveðið að Eritrea og Eþíópía skyldu verða sambandsríki og bæði jafn réttahá. En þar sem ákvörðun SP tryggði ekki sjálfstæði Eritreu varð hún brátt orðin tóm. Eþíópískur her var staðsettur í Eritreu og jafnframt var Eritreu bannað að hafa sjálfstæðan her. Eþíópíustjórn yfirtók ítalskar eignir í Eritreu, þvert ofan í samþykktir SP. Eþíópíukeisari skipaði sína fulltrúa í Eritreu og 1955 þvingaði hann forsætisráðherra og forseta þingsins til að segja af sér og setti sína menn í þeirra stað. Árið 1956 kom þjóðþing Eritreu síðast saman og þá var það lagt niður.

Lagt var bann á fundahöld og starfsemi pólitískra flokka. Árið 1959 kom fáni Eþíópíu í stað fána Eritreu og loks árið 1962 tilkynnti Eþíópíustjórn að Eritrea væri innlimuð í Eþíópíu sp: Hvernig var mótstaða íbúanna gegn kúguninni og hvernig hefur baráttan verið skipulögð? sv: Vopnuð barátta hófst fyrst árið 1961 undir sjórn ELF.

Þegar baráttan hófst hafði hreyfingin ekki mikil fjöldi meðal íbúanna, sem tortrygguðu þá sem börðust. Vegna þessa voru gerð mörg mistök, hreyfingunni var illa stjórnað og það vantaði upplýsingar um markmið og þróun baráttunnar. Við það bættist að 90% íbúanna voru ólæsir. Trúardeilur ollu einnig erfiðleikum en helmingur íbúanna eru múhammedóstrúar hinir kristnir. Þrátt fyrir þessar móthverfur óx hreyfingunni smátt og smátt fylgi, sérstaklega meðal menntamannanna.

Frh. á síðu 2



launa eða lýðrættinda. Átök sem í slíkum tilvikum hafa oftlega

orðið, hafa síðan leitt til illinda og jafnvel haturs milli mótmælenda og lögreglu. Þeir þústrar og fúkyrði sem lögreglan fær þar á sig gera yfirvöldum auðveld-

ara um vik að telja lögreglumenn á að allir sem ekki sætta sig við sitt, séu óvinir þeirra og óþokkar að auki, Þannig er líka reynt að gera alla harða verkfallsverði að "helvítis kommún-

Lögregla og verkfall

Afturhaldið með Morgunblaðið í broddi fylkingar, fer nú hamföllum út af verkfalli BSRB. Eitt er það af mörgu, sem er þeim þyrnir í augum, -verkfall lögreglumanna.

Lögregla og her, eru þau tæki sem ráðandi stétt í hverju þjóðfélagi notar til að vernda hagsmuni sína. Hérlandis er enginn ríkisher, en lögreglan er aftur á móti tiltölulega öflug. Verkefni lögreglu eru m.a. að stjórna umferð, mæta á slystaði, og elta uppi smáþjofa,

sem vel að merkja eru að stela minniháttar hlutum í einkaeign. En lögreglunni er einnig ætlað annað og viðameira hlutverk þar

sem er verndun einkaeignar á framleiðslutækjunum. Þannig hafa yfirvöld beitt lögreglunni við að handtaka fólk semhefur dreift auglýsingum og áróðri, sem borgararnir telja að æsi fólk upp gegn valdi þeirra. Lögreglunni hefur einnig verið sigað á kröfugöngur og mótmælaaðgerðir þar sem fólk hefur verið að krefjast réttar síns til

istum" sem stjórnað sé af "byltingarráði".

Starf obreyttra lögreglumanna er lágt launað, þótt vaktálag og viss frí komi þar til, en vaktavinna bitnar oftast illa á fjölskyldu og félagslífi. Nú hefur það svo gerst að lögreglumenn hafa sjálfir tekið þátt í skipulegri baráttu gegn ríkisvaldinu fyrir bættum kjörum sínum. Sú samstaða sem þeir hafa hér fundið mætti vera þeim í minni, ef þeim verður einhverntíma skipað gegn verkafólki.

Hugleiðing um kvikmyndir

Kvikmyndir eru áhrifamikill fjölmiðill er móta skoðanir okkar í töluverðum mæli, bæði í sjónvarpi og bíóhúsum. Það lætur nærri, að yfir 70% mynda, sem sýndar eru hér, séu breskar eða bandarískar. Það eru feykistorir auðhringir sem framleiða megnið af þeim. Þar sem auðmenn eru framleiðendur myndanna, er eðlilega tekin ákveðin afstaða í innihaldi þeirra. Það einkenni sem mest er áberandi í þessum kvikmyndum vestrannar auðvaldsmenningar, er einstaklingshyggjan, sem hafin er upp til skýjanna. Okkur er innrætt, að það sé hinn sterki einstaklingur, sem sé gerandi hlutanna, valdi þróun og breytingum í umhverfi okkar, þjóðfélaginu. Þetta er að sjálfsögðu gagnstætt raunveruleikanum, því við þekkjum það, að baráttu og samtakamáttur fjöldans veldur straumhvörfum í þjóðfélaginu, en ekki einn eða fáir einstaklingar. Vissulega eru það einstaklingar, sem veljast til leiðsagnar og forystu, en þeir eru ekkert ef þeir túlka ekki afstöðu fjöldans, sem stendur að baki þeim.

Auðvaldið sem byggir tilveru sína á því, að arðræna fjöldann, verður að réttlæta sig sjálft og óréttlætið. Því er kvikmyndum og annarri listsköpun ætlað það hlutverk að koma inn röngum skoðunum hjá fjöldanum um þjóðfélagið. Borgaraleg list hefur það sem sé að markmiði, að forheimska okkur til að viðhalda auðvaldsskipulaginu, þar sem lítil hluti þjóðfélagsins kúgar og arðræni fjöldann.

Einokun stóru kvikmyndaauðhringanna hefur gert það að verkum, að lítið er um framleiðslu á athyglisverðum myndum á Norðurlöndum, svo dæmi séu tekin. Hér á Íslandi hafa aðeins verið framleiddar örfáar myndir til sýninga í bíóhúsum, enda er



markaðurinn lítil og stuðningur opinberra aðila enginn. Þeir sem aðallega fást við kvikmyndun hér, eru róttækir menn, sem taka gagnrýna afstöðu með alþýðunni, gegn auðvaldinu og hnökrum þess. Þessir menn eiga ekki upp á pallborðið hjá ráðamönnum, því borgaraleg list skal vera allsráðandi og það er hættulegt, að gagnrýna það sem fjöldinn verður að setta sig við. Allt kapp er lagt á, að telja okkur tíu um, að óréttlæti auðmannanna sé eðlilegur og óbreytanlegur hlutur.

Sjónvarpið, sem framleiðir eitthvað af innlendum kvikmyndum, er gott dæmi um afturhaldssemina í þessum málum. Ákveðin klíka borgaralega þenkjandi listamanna ræður þar öllu um gerð innlendra kvikmynda og er Hrafn Gunnlaugsson þar innsti koppur í búi. Hrafn þessi á sæti

í ákveðinni nefnd innan Sjálfstæðisflokksins, sem hefur það verkefni að beita sér fyrir framgangi íhaldssamra hugmynda í menningu og listum. Sjónvarpsáhorfendur hafa orðið að sitja undir vitleysingjamyndum eins og Blóðrautt sólarlag, en Hrafn var pottur inn og pannan í gerð þeirrar myndar. Á sama tíma er hæfum kvikmyndagerðarmönnum útskýfað vegna þess að þeir eru alþýðusinnaðir listamenn og falla því ekki í kramið hjá ráðamönnum sjónvarps. Það er kaldhæðni örlaganna að það er einmitt skattfé okkar stritandi fjöldans, sem er notað til reksturs Sjónvarps og lista og menningarmála, þar sem allt kapp er lagt á að innræta okkur íhaldssemi og rangan skilning á þjóðfélagi okkar. Á sama tíma eru þeir lista menn, sem taka afstöðu með okkur, reknir út í kuldann.

Tilkynning

Tilkynning um menningarsamskipti Íslands og Alþýðulýðveldisins Kóreu.

Undirrituðum hafa borist óskir um það frá sendiráði Alþýðulýðveldisins Kóreu í Stokkhólmi, að íslendingar, sem hafa áhuga á auknum samskiptum milli landanna, sendi inn nöfn sín og

heimilisfang. Munu þeir fá sent fræðslufni í framtíðinni.

Séu einhverjir, sem áhuga hafa á þessu máli, eru þeir beðnir að hafa samband við undirritaðan eftir kl. 19.

Arnbór Helgason, Fornhaga 11, Reykjavík. Sími 12943.

Stéttabaráttan

Eins og velunrar blaðsins hafa væntanlega orðið varir við hefur ákristasöfnunin ekki gengið samkvæmt áætlun. Einnig hefur lausasölaukningin ekki náð því marki sem stefnt var að. Þegar svo er komið sér ritnefnd blaðsins sig knúna til að framlengja herferðinni fram til áramóta í þeirri von að fólk taki sig nú reglulega á og leiðrétti þau mistök sem hér hafa átt sér stað í starfinu. Með samstilltu átaki mun árangurinn ekki láta á sér standa

Hamarinn mun sýna aukningu lausasölnunnar, frá því sem nú er. Sigðin sýnir nýja áskrifendur blaðsins.

Félagar og aðrir velunnarar blaðsins skulu póstsenda nýjar áskriftir til:

Rauðu Stjórnunnar, Lindagötu 15. Rvk. Pósthólf 1357. Einnig má hringja í síma 27810 milli klukkan 15 og 18.

